

خزینہٴ اوراق

نومرو
۲۹

تاریخ تاسیس
۱ مایس سنہ ۱۲۹۷

جمعہ ایرتسی

عمومی اعتباریہ قانونہ دائر رسالہٴ ادبیہ در

آیدہ درت کرہ اولہ رقی جمعہ ایرتسی کونلری چیقار

نظیرہ* « حسبحال »

ادیلر اولہ من ہمزبانک ای بلبل
 ییلورسہ کل ییلور انجق لسانک ای بلبل
 نہال کل اولیجق سایبانک ای بلبل
 چندہ خوش پکر البت زمانک ای بلبل
 سنی بو مرتبہ سرمست ایدرسہ نکہت کل
 انکدہ جاننہ ایشلر فغانک ای بلبل
 بہار دہ نغمہ دکلک سور عالم
 حزان ایرنجہ اوکور داستانک ای بلبل
 غریب عاشقہ نسبتلہ بختلیسین کہ سنک
 پکر وطندہ بہار و حزانک ای بلبل
 خیال یاد حزینکلہ (حسبحال) ایدرک
 دیلرکہ خامدم اولہ ترجانک ای بلبل

« ل . خانم »

بر ذاتک (وطن) ک مقدسیتنہ دائر احباسہ مدن برینہ
 یازدیغی مکتوبدر

جہنم درہمی (*) ! نہ تحف بر اسم !! بویلہ بر اسمدہ هیچ
 ایشتماش ایدم !!! یارب شیطانک قیریلہ سی ایاغی و اهل ترددک
 طوراغی اولہ جق شو اسم بر خرابہ زار و طفل و یازروہ سہنہ
 (*) بندلرک اوتہ سندہ و تر قوس کولنک التندہ واقع اورمالقلی بر پردر

وصول غیر ممکن اولان سیوری بر جبل میدر؟ یوق! بر کر-
 داب پر بلای اجل می اوله؟ تفریق و تمیز بنده عاجز قابورم!
 بوراسی بر بوغاز اولوب ایکی طرفنده آسمانه سر چکمش ایکی
 طایغ و اراسنه کیرمش بر دره واردر که برینک رفعت زراوی
 شاهقده سی رشک انداز عرش برین و دیکرینک علق دهشت فزاسی
 نقطه وسطای کره زمین قدر درین واسلقین اولدیغندن جبال
 مذکوره اوزرنده کی چام اغاچلرینک هبوب ریاح شدید ایل
 پیدا ایلدیکی اصوات غریبه دره دن چاغلیمان و دکره دوکیلان
 بر صویک چاغلنسی سسیله قاریشهرق بورایی کورمماش ادملری
 منظره وحشت انکیر یله همان قورقیدرسده بوغازک اغزنده
 بحر سیاهه نظارتی اولان بر اوفق تپه جک اوستنده کی در بند
 کورلدکده بورالک مسکون اولدیغنی کوستر و اول سیاح
 اجنبیه بادی اطمینان و جوف و مساری متبدل مسار و خندان
 اولور کرچه شو نام هولناکک قوه واهمدیه وحشت انکیر
 ملالت اوله جق هیئت مجموعه سنی دخی قورقیدور! حق کو-
 ریورمکه تو یلرک بیلله اور بر یسور! فقط عجیب سروخیال!
 بو نام دهشت ابتسام بنم قلب و قابله اصلا لرزه بخش توهم
 و تأثر اولدقدن بشقه! تفکر و خیال دائمی سندن بالعکس وجدانم
 انواع سرور و نشاط ایلله طولیور. بوکا تعجب می ایدیورسک؟
 ارقداش تعجب ایتمه! زیرا بوراسی شو کارگاه پر فنایه قدم نهاده
 اولدیغم بر پر اولغله خیالی بیلله جهان دکیور. کندی می ادراک
 ایده بیلدیکم حال صبا و تمده قید علایقدن ساده و هر درلو افکار
 دلتراشیدن آزاده اولهرق قارلی طاعلرینک یماچلرنده بیتان
 چنزارلرده کزوب قوشدیغم و صدای دلاراسنه وارقه مدن کلور

ایکن اطاعت خاطر فریب دلشکاریسته مفتون اولدینم قوزو -
 جقلریمی اوتلادیغم و بورالک قوه نامیده سنه طراوتبخش فیض
 و برکت اولمق ایچون ایچینده بارگاه احدیت کبریایه کوچوجک
 اللریمی قالدیرمق هر بار عرض کلدسته مناجات ایلدیکم جامع
 شریفیله جوارنده اولوب ابا واجداد غفران پناهک مدفون
 اولدقلری قبرستانه کیره رک دلسیر مرحمت صمدانیله اولملری
 مقصدیله می میجک یوزومی سوردیکم یرلری تخطر ایدیورم !
 شمدی ایسه اک سوکیلی جولانکه قدیم اولان او یرلر ده
 والدین مشفقیم و نده اقربا و خویشانم و نده یاران و اخوانم
 قدم زن تعیش و حیات اولدقلری جهته ایچینده طویدیغم او
 مسکن امان خاک ایله یکسان و معموره "بستانز یاب و ویران
 اولدی !! ظن ایدرمیکرکه مقدم بکا جنت کبی کورینان او
 وادی دلکشا خاکستر دردوعنا و نمونه کربلای بلا اوله رق چشم
 خسرت و اشتیاقی کلبه دار کریه تحسیرکاری ایدر ؟ خیر خیر !
 سامعه تعشقمک آفته اولدیغی او اسم قیمتداری ایشد بجه کلکشت
 سیر و تماشا سنده اولان انهماک و خواهشده قطعاً خلل کلیور !
 و اول کلستان معموره الانحسا و سنبلستان طبعی "خطرکشا بران
 خیالمدن چقمیور ! عسکرک مناسبتیله کزدیکم توزدیغم یرلر ده
 بیوک بیوک قصبات و منتظم شهر و بلاد کوردیم ! اورالک دا -
 رات محشده و ریاض منتظمه سی ینسه قولبدیکم قدر کلیور !
 و سیر و حرکتیم جهتیله خیلی سواحل محترمه و صحاری منته سیر
 ایلدم ! حقا که یالچین قیالار اراسنده صیقشمش او وادی "لطا -
 فت بادیده حس ایلدیکم اوزوق و طراوقی طویدیورم ! و بویله
 ایکن شو خرابه زاری ترک ایلدرک صنف عسکری به داخل

اولدیغم کبی برکون یسنه عسکرلک بی ترک یار و دیار ولسان
مادر زادیمی و عادات ملیه می طانجیان ممالک اجنبیه دن بریسنه
نقل کار و بار ایتریرسه آیانه حسیاته بولنورم؟ شبهه یوق!
طوغوب بیودیگم اومقدس یرلک دکل حتی الک تابع
اولدیغی ملحقات و مضافاتی بیله ایششدم تو یلرم اورپر هجک!
وجود ضعیفمی لرزه تحسیر قاپلایه جقدر . مسقط رأسم اولان
او تراب عزیزک نامی واصل صماخ اشتیاقم اولسه عجبا نه حاله
کیرم؟ لابد! هر ریزه سنک بی اعتباری بر جوهر تابدار و هر
بر خدای نباتی محصول گلستان عطرشار و هر بر یرک و بارحاشاکه
محسور عود و کلنار اولان و ذره خاک سیاهی بتون دنیازه
دکشیله میان او اراضی طیبه نک تخطریله عیون اشتیاق برقات
دها قاشور!

ماوای نایده مسقط رأسمک لسانی سویلر برینه تصادف
ایتسم نلر اولورم؟ بدیدیرکه هر کله سی قولانغده نصی جلیل
آسمانی و آیت معجزه ربانی کبی منکوش کوش افتخار اولور!
و صدای خوش الحانی طائر قدس آسا نغمه سنج کوشنده نواز
حسن اعتبار بولور! حتی اورادن کلان بری و لواسافل اشقیا
بیله اولسه انی بر طاوس جنان و حوری فروس اشیان قیاسیله
اغوش محبت مهربانیسنه جان آندرق انجما و دخالت ایلرم!
و برادر و پدر کبی کورینجه الیری بویسته آهرق کانون درونده
علوریز اشتغال اوله جق ناره تحسیر مملکتی اطفایه صواشورم.
نشوونما بولدیغم اراضینک شان و قدرینه شبهه کتوره جک
بر کلمه تشنیع امیر معاذه واصل سمع حیرت انکیر
اولسه اول آن و دقیقه کمال حدت و غضنیدن

هر برمه بردن دامله ایغش جه سنه چهره خشم و کین الودم احرار
وامضطرااری ایله قیب قزیل کیلور .

آیا مملکتک علیهنده سویلیان و تدنسیله ذوقیاب اولان کسه
بنم کی بر ترک اولور وشو بد بختلغه اجتسار ایلر ایسنه یاملی؟
طعن و تشنیع ایله اغلاملی! بشقه چاره اولورمی؟ زیرا نام
بمجت اسام «وطن» که یوقارودن بری تعریف و توصیفنه
چالایورم! بو کی کسان یاننده معادن بری و بالقان طاغلریله
اطه لر دکزی و یا ارضروم جوارندن بصره کورفرزینده قدر
سوروب کیدن طاغلر ایله قره و مرمره و جزایر و آق و شاب
وهند دکزلی یاخود بحر سفید و احمر ایله افریقا چوللرینه قدر
متد اولان جبال و اودیه و بریه میاننده کی اراضیدن بشقه سنی
افاده دن عاریدر! فصل که اجنبی برسیاح وطنی شو سویلدیکم
یولده تلقی ایدر! و ترقی و تدنسی ایله حیاته بر شی کلز! فقط
بنم یاننده وطنم ولو که دیار سائریه نسبتله بعض مرتبه
تزینات مدنییه و صناعیه دن محروم اولسون! دنیالره مرجدر!
زیرا بنی آغوش تریده سنه الوب بویودن و طغدر! اجدادی
اوزرنده بسلیمان و طغدر! عثمانلوری بر عشرت ایکن قوجه
بر دولت ایدن ینده او وطن عزیزدر علیهنده بولتان بد قام
و بی نشان اولسون!!

رشید بک

روزگار و فورطنه — مابعد

بو کی روزگار لر خط استوادن قطبلره طوغری هوای نسیمینک